



Critéir agus Treoirínte le haghaidh Scéim Deontais Forbartha Club 2025

Cuspóirí na scéime

Tá sé mar aidhm ag Comhpháirtíocht Spóirt Uíbh Fhailí méadú marthanach a bhaint amach i leibhéil rannpháirtíochta i ngníomhaíochtaí fisiciúla, spóirt agus maireachtáil go gníomhach i gContae Uíbh Fhailí. Tá an scéim deontais forbartha club seo deartha chun tacú le: -

- i. cláir áitiúla chun ballraíocht club a mhéadú nó a choinneáil
- ii. tionscnaimh atá deartha chun rannpháirtíocht grúpaí a bhfuil tearcionadaíocht acu sa spórt a mhéadú
- iii. tacú le clubanna nua maidir le costais thionscnaimh tosaigh (m.sh. cleamhnacht, árachas, trealamh, ionad ar cíós, srl.)

Cé atá i dteideal iarratas a dhéanamh?

Le bheith incháilithe le cur isteach ar an maoiniú seo, ba cheart do chlubanna / eagraíochtaí spóirt:-

- a bheith bunaithe in Uíbh Fhailí
- a bheith cleamnaithe le nó a bheith i mbun cleamnaithe le Comhlacht Náisiúnta Rialaithe Spóirt atá aitheanta ag Spórt Éireann
- oibriú ar bhonn daonlathach atá tofa ag coiste baillríochta
- oibriú ar bhonn neamhbhrabúis
- a bheith oscailte do bhallraíocht an phobail; gan chlaonadh le hearcaíocht baill nua
- árachas cuí a bheith i bhfeidhm acu le gur féidir a ngníomhaíochtaí go léir a chur ar fáil
- cloí le treoirínte dea-chleachtais i réimse leanaí sa spóirt (más ag obair le páistí). I measc na dtreoirínte dea-chleachtais tá: -
 - go mbeadh ráiteas um chumhdach leanaí curtha i bhfeidhm
 - oifigeach leasa club agus duine ainmnithe idirchaidrimh a bheith ceaptha
 - go ndéanann an Garda Síochána Grinnfhiosrúchán ar chóitseálaithe / oibrithe deonacha a oibríonn le foirne agus le daoine aonair faoi aois
 - a chinntiú go bhfuil oiliúint um Chosaint 1 (cosaint leanaí) faighte ag cóitseálaithe agus oibrithe deonacha a oibríonn le daoine aonair / foirne faoi aois

Cé nach bhfuil incháilithe chun iarratas a dhéanamh?

- daoine aonair
- eagraíochtaí rialaithe náisiúnta / réigiúnacha / contae
- gníomhaireachtaí reachtúla
- grúpaí brabúis / eagraíochtaí tráchtála / úinéirí saoráidí príobháideacha

Scéimeanna

Is féidir le club / eagraíocht spóirt iarratas a dhéanamh ar mhaoiniú **faoi cheann de na trí scéimeanna** atá léirithe ar an bhfoirm iarratais mar seo a leanas: -

1. Cláir áitiúla chun ballraíocht club a mhéadú nó a choinneáil

Is féidir le club nó le heagraíocht spóirt iarratas a dhéanamh ar mhaoiniú chun tacú le cur i bhfeidhm tionscadail aon uaire nó i leith idirghabhála a sholáthraíonn a gclub nó a n-eagraíocht spóirt chun a mballraíocht reatha a mhéadú, nó an bhallraíocht reatha atá acu a choinneáil. I measc na dtionscadal / idirghabhálacha a mheastar a bheith incháilithe faoin snáithe seo tá, ach gan a bheith teoranta do, laethanta *'tar agus bain triail as'*, cláir chlub / scoile, campaí, léigeanna sráide, ranganna aclaíochta, srl.

2. Tionscnaimh chun rannpháirtíocht grúpaí a bhfuil tearcionadaíocht acu sa spórt a mhéadú

Is féidir le club / eagraíocht spóirt iarratas a dhéanamh ar mhaoiniú chun tionscnaimh a chur i bhfeidhm atá deartha chun rannpháirtíocht grúpaí atá faoi thearcionadaíocht sa spórt a mhéadú. Chun críocha an tsnáithe maoinithe seo, áirítear ar ghrúpaí faoi thearc ionadaíocht, daoine fásta breacaosta, daoine faoi mhíchumas, daoine de chúlra mionlaigh eitnigh lena n-áirítear an Lucht Siúil, daoine faoi mhíbhuntáiste tuaithe nó uirbeach, daoine dífhostaithe nó tearcfhostaithe, mná agus cailíní, agus daoine óga i mbaol

3. Clubanna nua

Is féidir le club nua nó le heagraíocht nua spóirt cur isteach ar mhaoiniú faoin snáithe seo chun tacú le clubanna nua maidir le costais tionscnaimh tosaigh (m.sh. cleamhnacht, árachas, trealamh, ionad ar cíós, srl.) a tabhaíodh laistigh den 12 mhí roimh nó sé mhí tar éis iarrtais maoiniúcháin a fhógairt

Ní fhéadfaidh clubanna a dhéanann iarratas faoin scéim seo maoiniú a tharraingt anuas gan deimhniú a fháil ón gcomhlacht rialaithe ábhartha go bhfuil an próiseas cleamnaithe críochnaithe acu

Rudaí nach dtabharfaidh muid maoiniú dóibh:

- Costais reatha an chlub/na heagraíochta spóirt atá lasmuigh de na scéimeanna atá clúdaithe ag an gclár seo
- Costais threalaimh capitíúil, seachas nuair is gá le hearraí beaga trealaimh don chlár/ idirghabháil seachadta

Leibhéal na ndeontas

- Méid iomlán an chiste faoi scéim 2025: €12,000 ; le €4,000 leithroinnte idir gach Ceantar Bardasach
- Is é €750 an t-uasmhéid deontais do gach iarratas rathúil; ón iar-eispéireas, áfach, is baolach go mbeidh an mheán-íocaíocht thart ar €500

Tabhair faoi deara, b'fhéidir nach mbeifear in ann gach eagraíocht a mhaoiniú. Braithfidh sé sin ar líon na n-iarratas. Léirítear an chaoi a dtabharfar tosaíocht do na hiarratais sa phróiseas measúnaithe thíos

Iarratas

Beidh na codanna seo a leanas san iarratas: -

1. sonraí faoin gclub nó faoin eagraíocht spóirt
2. miondealú ar an iarratas ar mhaoiniú
3. dearbhú

Ba cheart iarratais a chomhlánú go hiomlán agus **ar líne amháin roimh Dé hAoine, an 14 Márta 2025**. Ní ghlacfar le hiarratais dhéanacha

Má tá deacrachtaí ag do chlub nó ag d'eagraíocht spóirt an fhoirm a chomhlíonadh ar líne, déan teagmháil le sports@offalycoco.ie chun é sin a phlé

Próiseas measúnaithe

- tar éis an spriocdháta, **Dé hAoine an 14 Márta 2025**, cuirfidh Comhpháirtíocht Spóirt Uíbh Fhailí na hiarratais incháilithe a gheofar in ord tosaíochta
- déanfaidh coiste measúnú ar gach iarratas incháilithe ar bhunús na faisnéise a sholáthrófar san fhoirm iarratais agus in aon doiciméadúchán tacaíochta faoi iamh
- féadfaidh an coiste measúnaithe a iarradh go ndéanfar soiléiriú ar aon iarratas faoi leith
- b'fhéidir nach mbeifear in ann tacaíocht a sholáthar do gach iarratasóir, ná uasleibhéal an chúnamh deontais a sholáthar. Sannfaidh an coiste measúnaithe ualú ar iarratais bunaithe ar na critéir seo a leanas: -

Iad a bheith Cleamhnaithe le Chomhlacht Rialaithe Náisiúnta Spóirt atá aitheanta ag Spórt Éireann	10
Iarmaoiniúcháin faighte ó Chomhpháirtíocht Spóirt Uíbh Fhailí ó 2020	15
Cáilíocht an iarratais	15
A mhéid a dtacaíonn an t-iarratas le cuspóir na scéime roghnaithe	20
Luach san iomlán ar airgead	15
Iomlán	75

Tar éis an phróisis mheasúnaithe, cuirfear moltaí maoinithe faoi bhráid choiste bainistíochta Chomhpháirtíocht Spóirt Uíbh Fhailí lena n-athbhreithniú agus lena bhfaomhadh

Comhfhreagras, Maoiniú a Tharraingt Anuas agus a Thuairisciú

- Cuirfear cinneadh na Comhpháirtíochta Spóirt in iúl do gach club / eagraíocht spóirt a dhéanfaidh iarratas.
- Caithfidh gach iarratasóir rathúil a a ainmniú ar chóras airgeadais Chomhairle Contae Uíbh Fhailí chun gur féidir an deontas a íoc. Beidh na doiciméid seo a leanas ag teastáil lena a chur ar bun: -
 - uimhir chánach nó carthanachta; agus an uimhir rochtana imréitigh cánach ghaolmhar chun ligean do Chomhairle Contae Uíbh Fhailí stádas cánach an iarratasóra rathúil a dhearbhu. Ba cheart go mbeadh an uimhir chánach nó carthanachta in ainm an chlub nó na heagraíochta spóirt agus ní in ainm duine a bhaineann leis an gclub nó leis an eagraíocht spóirt
(tabhair faoi deara – níl uimhir chánach nó carthanachta ag teastáil ón gclub nó ón eagraíocht ná an uimhir rochtana imréitigh cánach a bhaineann leis chun iarratas a dhéanamh ar an scéim seo, ach beidh

sonraí cánach an chlub ag teastáil uait má éiríonn le d'iarratas)

➤ cuntas bainc nó comhar creidmheasa in ainm an chlub nó na heagraíochta spóirt

- Ceadófar d'iarratasóirí rathúla iomlán (100%) a tharraingt anuas. Iarrfar ar na hiarratasóirí rathúla tuairisc ghairid a chur isteach, ar an chaoi ar caitheadh an maoiniú san áireamh (Gheobhaidh iarratais rathúla céad faoin gcéad den íostarraingt; iarrfar orthu siúd tuairisc gearr faoina dtionscadal maoinithe a scríobh, an chaoi inar caitheadh an maoiniúchán á lua freisin)

Tabhair faoi deara nach mór gach tuairisc ar chaiteachas a chur isteach chuig Comhpháirtíocht Spóirt Uíbh Fhailí ar ríomhphost chuig clubdevelopmentgrants@offalycoco.ie **roimh Dé hAoine an 30 Éanair 2026**

Caithfear tuairiscí a chomhlíonadh ar an chaoi ar caitheadh an maoiniú; agus ní mór cloí le fianaise faoi má iarrtar agus nuair a iarrtar é, le bheith incháilithe do chúnamh deontais a fháil amach anseo ó Chomhpháirtíocht Spóirt Uíbh Fhailí agus/nó ó Chomhairle Contae Uíbh Fhailí.

(tabhair faoi deara - má fhaigheann do chlub / d'eagraíocht maoiniú ó Chomhpháirtíocht Spóirt Uíbh Fhailí agus mura gcuireann tú cruthúnas ar fáil faoin chaoi ar caitheadh an maoiniú a fuarthas; scaipfear an scéal laistigh de Chomhairle Contae Uíbh Fhailí agus d'fhéadfadh nach mbeadh do chlub / d'eagraíocht incháilithe le haghaidh tacaíochta sa todhchaí ó scéimeanna deontais arna mbainistiú ag an gComhairle)

Poiblíocht & Admháil Tacaíochta

Ba cheart d'iarratasóirí rathúla a thabhairt faoi deara go gcaithfidh siad cloí le haon iarratas réasúnta maidir le poiblíocht ó Chomhpháirtíocht Spóirt Uíbh Fhailí. Ina theannta sin, tá sé mar choinníoll na scéime deontais go dtabharfar aitheantas dearfach don tacaíocht a fuarthas ó Chomhpháirtíocht Spóirt Uíbh Fhailí agus ó Spórt Éireann in aon chur chun cinn / poiblíochta a bhaineann leis an ngníomhaíocht atá ceadaithe lena maoiniú.

Tuilleadh faisnéise

Tá tuilleadh faisnéise faoin scéim ar fáil ag clubdevelopmentgrants@offalycoco.ie

